

SCRIPT OF EVENING GOJRI NEWS BULLETIN 1SEP 2026
1700HRS

اوننگ گوجری نیوز بولیٹن 1 ستمبر 2026

یوہ آکاشوانی جموں بے نصرت تے عبیدلرحمان تیں خبر سُنو۔

HEADLINES

- ۱۔ وزیر اعلیٰ عمر عبداللہ نے جموں کشمیر غے اندر کاروبار مانہہ آسانی غا عمل گو جائیزو لین خاطر منعقد میٹنگ غی صدارت کی۔
- ۲۔ جموں کشمیر نے شہری چیلنج فنڈ غے تحت 2692 کروڑ روپیاں غی لاگت آلا 3 برا شہری پروجیکٹاں نانہہ منظوری دتی ہے۔
- ۳۔ شمالی ریلوے نے آئیندہ 19 اکتوبر تیں بڈگام کٹڑہ خصوصی ایکس پریس ریل چلان گو اعلان کیو ہے۔
- ۴۔ جموں کشمیر پولیس نے انڈرائیڈ فون استعمال کرن آلا افراد ناہہ سائبر فراڈ تیں بچن خاطر مشکوک اپلیکیشن استعمال کرن تیں خبر دار کیو ہے۔
- ۵۔ محکمہ موسمیات نے دسیو ہے کہ جموں کشمیر غے اندر جولائی تے اگست مہینہ مانہہ معمول غی بارشاں تیں 6 فی صد زیادہ بارش درج کی گئی ہے۔

CM EoDB

وزیر اعلیٰ عمر عبداللہ نے اج جموں کشمیر غے اندر کاروباری سرگرمیاں مانہہ آسانی خاطر ایک جائیزہ میٹنگ غی صدارت کی میٹنگ غے دوران وزیر موصوف نے کاروبار مانہہ آن آلی ہر طرح غی مشکلات نانہہ دور کرن ، کاروباری طریقاں نانہہ آسان بنان تے غیر ضروری تاخیری سرگرمیاں نانہہ روکن ور تبادلہ خیال کیو۔ موصوف نے اس طرح گو ماحول پیدا کرن ور زور پایو ہے جہیرو کاروبار وستے سازگار رے تے جس نال بیرونی سرمایہ داری تے نوا کاروبار نانہہ باہدو ملے۔ ان تبدیلیاں غو مقصد کاروباری سرگرمیاں غے نال نال پورا جموں کشمیر یو ٹی غے اندر مجموعی اقتصادی سرگرمیاں نانہہ مزید تیز کرنو ہے۔ اس موقعہ ور وزیر اعلیٰ عمر عبداللہ نے کہیو ہے کہ متوازن معاشی ترقی وستے واضع لائحہ عمل تے باصلاحیت طرز حکومت بہت ضروری ہے۔

سائنسی تے جدید کاشت کاری گا طریقاں نانہ بادیو دین خاطر این ٹی قبیلہ نال تعلق رکھن آلا ادھمپور گا 20 کساناں نانہ بین ریاستی دورہ ور کریشی ویگپیان کیندر پٹھانکوٹ بھجیو گیو ہے مشروم غی پیداوار نال تعلق رکھن آلا ان کساناں نانہ ایم ایل اے چنئی بلونت سنگھ منکوٹیا نے چیف زراعتی آفیسر ادھمپور وکاس پادھا تے دیگر اعلیٰ حُکام غی موجودگی مانہ ہری جھنڈی دس غے روانہ کیو ہے اس دورہ غے دوران یہ کسان اعلیٰ قسم غی مشروم تیار کرن تے دیگر جدید سائنسی طریقاں بارے جانکاری حاصل کریں گا ۔اس موقع ور بولتا واں ایم ایل اے چنئی بلونت سنگھ

منکوٹیا نے اس طرح کہیو-----اسے دوران بولتا واں چیف سیگرکلچر آفیسر ادھمپور
وکاس پادھا نے اس طرح کہیو-----

PROG ANN

آکاشوانی جموں گو علاقائی خبراں آلو شعبو، قومی غزائیت ہفتہ گا موقع ور 2 ستمبر نانہہ
تہاڑی غا 12 بجے 30 منٹ ور، 30 منٹاں ور مبنی ایک خصوصی مباحثہ ور پروگرام
نشر کرے گو۔ اس خصوصی پروگرام غو موضوع وے غو، زندگی واسطے اچھی غذا،
متوازن خوراک تیں بہتر صحت توڑی۔ اس خصوصی پروگرام مانہہ مارا مہمان ویں گا
، جموں کشمیر گا معروف ماہر غزائیت وکرم سبھروال، جہیڑا پروگرام غا موضوع ور
اپنی قیمتی رائے تے ماہرانہ رائے سانجہ کریں گا تے پروگرام غی میزبانی کریں گا
مارا انکر ، وجے بجاج۔

BUDGAM KATRA RR

ریل مسافراں غی وسانی خاطر شمالی ریلوے نے 19 اکتوبر تیں بڈگام شری ماتا ویشنو
دیوی کٹڑہ بڈگام خصوصی ایکس پریس ریل چلان غو فیصلو ليو ہے یاہ اے سی ریل
اتار نانہہ چھوڑے ہفتہ مانہہ باقی 6 دن چلے غی ریل نمبر 04688 بڈگام ریلوے
سٹیشن تیں سویرے 7 بجے 20 منٹ ور چلے غی تے تہاڑی 1 بجے کٹڑہ ریلوے
سٹیشن چلے غی۔ اسے طرح ریل نمبر 04687 کٹڑہ ریلوے سٹیشن تیں تہاڑی 1 بجے
45 منٹ ور چلے گی جہڑی جے شام 8 بجے بڈگام چلے غی۔ یہ ٹرین رستہ مانہہ
آن آلا سٹیشن جن مانہہ سرینگر ، اننت ناگ ، قاضی گند ، بانہال ، ریاسی تے دوجا
اسٹیشن شامل ہیں اُن ور رُکے غی مسافر کسے وی قسم غی مدد وستی 139 نمبر ور
فون کرے تفصیلات حاصل کرسکیں۔ شمالی ریلوے غا اس قدم نال وادی کشمیر تے
شری ماتا ویشنو دیوی کٹڑا درمیان سفر کرن آلا مسافراں ناہہ کافی راحت حاصل وے
غی۔

CYBER FRAUD

وزارت داخلہ غی طرفوں جاری ہدایات تیں بعد جموں کشمیر پولیس نے انڈرائیڈ
موبائل فون استعمال کرن آلا صارفین نانہہ مالیاتی دھوکہ دھڑی غا خطراں تیں خبردار
کیو ہے۔ جس مانہہ فحش اپلیکیشن تے سوشل میڈیا ور اشتہاراں غے ذریعے پھیلائی
جان آلی دھوکہ دھڑی شامل ہے پولیس نے نیکسو، ریوو، ویمو ، ویکسا ، کیاس ،
ریلوپ ، نائیٹ پلے جیسی اپلیکیشن غا استعمال تیں خبردار کیو ہے۔ یہ ایپ موبائل
فون نانہہ کنٹرول کرن تے غیر مجاز مالیاتی لین دین تک رسائی غی سہولیات غو غلط

استعمال کرسکیں۔ شہریاں نانہہ مشورو دتو گئو ہے کہ وے صرف سرکاری موبائل سٹور ایپ وروں ہی فون ور اپلیکیشن ڈاؤنلوڈ کریں تے مشکوک لینکس یا ایپ فائلن نانہہ فون مانہہ کھولن تیں گریز کریں۔ اس طرح گا سائبر فراڈ غو اگر کوئے شکار بوجے تاں وہ فوری طور ہیلپ لائین نمبر 1930 یا قومی سائبر جرائم رپورٹنگ پورٹل ور رابطو قائم کرغے اپنی شکایت درج کراسکیں۔

JAMMU FILM FESTIVAL

جموں فلم فیسٹیول غو پنجوون شمارو 28 تے 29 ستمبر نانہہ جموں مانہہ منعقد وے غو، جس مانہہ بھارت سمیت بکھ بکھ ممالک غا فلم ساز تے فلمی کم شرکت کریں گا۔ 2 روزہ فلم تقریب مانہہ 16 ممالک غی 41 فلم پیش کی جئیں غی ، یہ 41 فلم ، 210 فلماں وچوں منتخب کی گئی ہیں ، جہیڑی 35 بکھ بکھ ممالک وچوں فلم تقریب واسطے پھیچی گئیں تھی۔ تقریب مانہہ 5 دستاویزی فلم، 5 فیچر فلم، 30 مختصر فلم تے 2 میوزک ویڈیو شامل ہیں۔ اس تیں علاوہ 12 علاقائی فلم وی الگ تیں دسی جئیں غی، جس مانہہ مقامی تے علاقائی فلم سازاں نانہہ اپنی صلاحیت پیش کرن غو موقعو لبے غو۔ تقریب غو مقصد بکھ بکھ تے منفرد فلمی آوازاں نانہہ فروغ دینو، آزاد فلم سازی غی حوصلہ افزائی کرنوتے جموں گا فلم سازاں غے نال قومی تے بین العوامی فلمی برادری غو رابطو مضبوط کرنو ہے۔

NMBA JAMMU

نشہ مکت بھارت ابھیان غے تحت اج جموں مانہہ ایک بیداری پروگرام غو انعقاد کیو گئو تانجے لوکاں غے اندر منشیات غا نقصان بارے بیداری پیدا کی جاسکے۔ تے منشیات مکت سماج نانہہ بادو ملے۔ یوہ پروگرام سماجی ذمہ داری کارپس ، فنڈ نے جموں کشمیر ایکسائیز تے ٹیکسیشن محکمہ گا سانجا تال میل نال منعقد کیو۔ باغبانی ڈائریکٹوریٹ غی شراکت نال اس پروگرام گا انعقاد غو مقصد نوجواناں نانہہ نشہ غا نقصانات بارے بیدار کرنو تے سانجہ طور ور ایک شفاف ، صحت مند تے نشہ تیں پاک سماج بنان گو عزم کرنو تھو، اس بارے مزید بولتا وان ایکسائیز محکمہ گا کمشنر ویبھو کوبلی نے اس طرح کہیو۔-----

WEATHER

جموں کشمیر مانہہ جولائی تے اگست غا مہیناں مانہہ معمول تیں 6 فی صد زیادہ بارش درج کی گئی۔ محکمہ موسمیات نے پیش گوئی کی ہے کہ آئندہ چند دناں غے دوران جموں کشمیر مانہہ موسم عمومی طور ور گرم تے ہوا مانہہ زیادہ نمی رہن غا

امكان ٻين خاص كر جموں شهر مانہ پاری بارش غی پیشن گوئی کی گئی ہے۔
آکاشوانی جموں گا نمائندہ غے مطابق ، اچ تیں کل کئی مقامات ور ایک یا دو مرتبہ
بارش تے گرج چمک سنگ بوندا باندی گا امکان ٻیں۔ اس دوراج سویرے تے تہاڑے
غے وقت تیز بارش وی ہوسکے۔ 2 تیں 10 ستمبر توڑی گجھ مقامات ور بارش غی پیشن
گوئی کی گئی ہے۔ محکمہ موسمیات نے اس دوران وقفہ وقفہ تیں بارش غی پیشن
گوئی کرتا واں گجھ ایک وقت غے دوران تیز بارش غی پیشن گوئی کی ہے۔ اس
بارے گل کرتا واں محکمہ موسمیات گا ڈائریکٹر مختار احمد نے اس طرح کہیو۔-----
